

Nik, JESUS M^a MADINABEITIA JAUREGUI jaunak, Oñatiko Udaleko behin behineko idazkari naizen honek,

Toki Araubidearen Oinarriak arautzen dituen 7/1985 Legearen 92. bis artikulua eta gaikuntza nazionala duten toki-administrazioen funtzionarioen araubide juridikoa arautzen duen martxoaren 16ko 128/2018 Errege Dekretuaren 3. artikuluan xedatutakoaren arabera

Honako hau EGIAZTATZEN DUT:

Idazkaritza honetan nire ardurapean dauden datuen arabera, Tokiko Gobernu Batzarrak, **2025eko azaroaren 27an**, ohiko bilkuran, besteak beste, honako erabaki hau hartu zuen, eta hitzez hitz transkribatuta dio:

“5.-Garapenaren aldeko nazioarteko lankidetzarako dirulaguntzen 2025eko deialdiari dagozkion “C” lerroko dirulaguntza eskaeraren ebazpen partziala Espteia: 2025ZDKO0043

Alkatearen 2025eko azaroaren 25eko proposamenak honela dio:

“ Onintza Andres andreak (Udal Partaidetza teknikariak eta batzordeko idazkariak) azaroaren 25ean egindako txostenean (CSV zkia: ESKU7d09c376-9e33-485a-b23a-00b18109c1d6) honako proposamena egin du:

Espediente zk.: 2025ZDKO0043

Interesduna: HOTZ OÑATI EREFUXIATUEN GIZA ESKUBIDEEN ALDEKO ELKARTEA

Gaia: Garapenaren aldeko nazioarteko lankidetzarako dirulaguntzen 2025eko deialdiari dagozkion “C” lerroko dirulaguntza eskaeraren ebazpen partziala

Sarrera erregistroa: 2025/5722

2025eko azaroaren 11an egindako Partaidetza eta Garapen Komunitarioko informazio batzordearen aldeko irizpena jaso zuen ondorengo proposamenak:

“4.1. Garapenaren aldeko lankidetzako dirulaguntzak: 2025 deialdiko “C lerroa: Oñatiko udalerrian bertan eraldaketa sozialerako heziketa eta sentsibilizazio jardueratarako dirulaguntzak”-ko dirulaguntzaren baitan HOTZ OÑATI EREFUXIATUEN GIZA ESKUBIDEEN ALDEKO ELKARTEAren eskaeraren ebazpen proposamena onartzea

Gertakariak:

Lehenengoa.- Oñatiko Udalak, 2022ko martxoaren 31n egindako bilkuran Udal Plenoak aho batez ondorengo akordioa onartu zuen: Oñatiko Udalak garapenaren aldeko nazioarteko lankidetzarako emango dituen dirulaguntzak emateko oinarri arautzaile orokor eta espezifikoak (GAOn argitaratua 2022ko apirilaren 20an, 72.zk.)

ESKUB35291e9-cf6a-495d-8726-70f824d5c5b2

Bigarren.- Oñatiko Udaleko Tokiko Gobernu Batzarrek 2025eko otsailaren 14an egindako bilkuran, besteak beste, 2025 ekitaldiari dagokion deialdia egitea onartu zuen (GAOn argitaratua 2025ko martxoaren 10ean, 46. zk.).

Hirugarrena.- "C" lerroko, eta 2025eko aurrekontu ekitaldiari dagozkion laguntzetarako, guztira bederatzi mila eta bostehun euroko (9.500,00 €) gastua baimendu da, 0391.481.231.60.01 2025 sailaren kargura.

Laugarrena.- C lerroko dirulaguntzak eskatzeko epea 2025eko azaroaren 1 artekoa da.

Gertakarien balorazioa:

Lehenengoa.- Partaidetza eta Garapen Komunitariorako sailak jasotako eskaerak aurkeztu ditu, eta oinarri espezifikoei jasotako puntuazio-irizpideak kontuan hartuta aurre-balorazioa egin du eta batzordearen azterketara jarri da txostena.

Bigarren.- Eskatzaileek oinarrietan eskatutako dokumentazioa aurkeztu dute eta guztiek betetzen dituzte dirulaguntzaren onuradun izateko baldintzak.

Hirugarrena.- Oinarri arautzaileen arabera onuradun izateko baldintzak betetzen dituztelako, balorazioko txosten teknikoak aurkeztu du Partaidetza eta Garapen Komunitariorako sailak, eta dirulaguntza ematea proposatu, ondorengo eran:

ESKATZAILEA	"C" LERROKO JARDUERA	PROIEKTUAREN ZENBATEKOA GUZTIRA (€)	ESKATUTAKO DIRU LAGUNTZA (€)	JASOTAKO PUNTUAZIOAREN ARABERA EMANDAKO DIRULAGUNTZA (€)	ZURIKETARAKO GUTXIENGO ZENBATEKO KONPUTAGARRIA (€)	ORDAINKETA BAKARRA AURRERATUA (%100)
HOTZ OÑATI ERREFUXIATUEN GIZA ESKUBIDEEN ALDEKO ELKARTEA IFZ: G75193607 Sarrera zk.:2025/5722	Mundu mailan dauden migrazio mugimenduak eta gatazka egoeran dauden herrialdeetako errefuxiatu mugimenduen inguruko sentsibilizazioa proiektuak, Oñatiko haur, gazte eta helduentzako	12.202,37€	4.000,00 €	3.924,00 €	5.232,00	3.924,00 €

*) Oharra: zuriaketari dagokion zenbateko konputagarria honako formularen bitartez atara da:

$$\text{Zuriketarako gutxiengo zenbateko konputagarria} = \frac{\text{Onartutako diru laguntzen zenbatekoa} \times 100}{75}$$

Eskatzaileek ebazpenaren jakinarazpenean « zuriketarako gutxiengo zenbateko konputagarria » bezala adierazitako zenbatekoaren 100 % zuritu beharko dute gutxienez.

Dirulaguntzari emandako erabileraren justifikazioa aurkezteko epea, gehienez ere, urteko deialdian ezarritakoa da (2025eko abenduaren 31a).

Honekin batera, oinarrietan ezarritakoari jarraituz, jasota dago kreditu egokia eta nahikoa dagoela 1 0391.481.231.60.01 2025 diru atalaren eta bere lotespen mailaren kargura.

Laugarrena.- Hau horrela, dirulaguntzen ordainketa honela bideratzea proposatzen da:

- Onarpenarekin batera onartutako dirulaguntzaren %100 emango zaio eskatzaile bakoitzari – ordainketa bakar aurreratua-. Dirulaguntzen xedea kontuan hartuta eta horiek jasotzen dituzten erakundeak irabazi asmorik gabekoak direnez, ez da bermerik eskatuko ordainketa aurreratuengatik.

- Eskatzaileak oinarri orokorretan eta espezifikoetan zehaztutako betebeharrak bete dituztela eta derrigorrezko agiriak aurkeztu dituztela egiaztatuko du Partaidetza eta Garapen Komunitariorako sailak zuriak epean. Zuriak egiteko formulario normalizatuak Oñatiko udalaren dirulaguntzen web atarian eskuratu ahal izango dira.
- Eskatzaileak jakinarazpenean « zurietarako gutxiengo zenbateko konputagarria » bezala adierazitako zenbateko osoa % zuri beharko du gutxienez dirulaguntza bere osotasunean jasotzeko, 2025eko abenduaren 31erako berandurenez. Egindako likidazioa aurreratutako kopurua baino txikiagoa bada, dagokion itzulketa-espedita izapidetuko da.
- Oinarrietan edo dirulaguntzaren emakidan jarritako edozein betebeharrak betetzen ez bada, berriz aztertuko da dirulaguntza, eta, horren arabera, emandako dirulaguntza baliogabetu, murriztu edo itzuli beharko da.
- Zurietarako epeak luzaezinak izango dira kasu eta egoera guztietan.

Bosgarrena.- Aurre-ebaluazioa eta balorazioa bere egin eta onartu ditu Partaidetza eta Garapen Komunitarioko Batzordeak, eta proposamena ebatzi ondoren, Organo Eskumendunari, hau da, Tokiko Gobernu Batzordeari, aurkezturiko taula hauek onartzea eta dirulaguntzen ordainketa bideratzea proposatzen dio.”

Hau guztia, Diru-laguntzei buruzko azaroaren 17ko 38/2003 Lege Orokorrak eta hura garatzen duen Erregelamenduak (887/2006 Errege Dekretua) eta Udalaren Diru-laguntzei buruzko Ordenantza Orokorrak ezarritakoa kontuan hartuta.

38/2003. Legean nabarmentzekoak dira artikulua hauek:

30.2 artikulua: “Justifikazio-kontua ematea onuradunaren edo erakunde laguntzailearen nahitaezko egintza da, eta bertan sartu behar dira, aitortzailearen erantzukizunpean, gastuaren egiaztapenak edo diru-laguntzaren xedea bete dela egiaztatzeko balio juridikoa duen beste edozein dokumentu. Justifikazio-kontuaren forma eta hura emateko epea diru-laguntza publikoak arautzen dituzten oinarrietan zehaztuko dira.”

34.3 artikulua: “Onuradunak diru-laguntzaren xede den jardura, proiektua, helburua edo portaera gauzatu izana justifikatu ondoren ordainduko da diru-laguntza, diru-laguntza arautzen duen araudian ezarritakoaren arabera. Justifikaziorik ez badago edo lege honen 37. artikuluan aurreikusitako arrazoren bat gertatzen bada, diru-laguntza osorik edo zati batean kobratzeko eskubidea galduko da.”

Halaber, 32/2018 Foru Dekretua, abenduaren 27koa, Gipuzkoako toki-sektore publikoko entitateen barne kontrolaren araubide juridikoa erregulatzen duena, bere 3. Artikuluan 1 eta 2 ataletan honakoa xedatzen du:

“1. Tokiko sektore publikoaren jardura ekonomiko-finantzarioaren barne kontrola organo kontu-hartzaileak egingo du eginkizun kontu-hartzailearen eta kontrol finantzarioaren bidez. Bi ariketa moduetan, 21/2003 Foru Arauaren 68. artikuluan aipatutako eraginkortasun eta efizientzia kontrola ere sartuko da.

2. Eginkizun kontu-hartzailearen xedea da toki entitatearen eta bere organismo autonomoen egintzak kontrolatzea, haien sailkapena edozein izanik ere, baldin eta egintza horien ondorioz eskubideak onartu edo gastuak egiten badira, bai eta haietatik eratortzen diren sarrerak eta ordainketak nahiz haien funts publikoen inbertsio edo aplikazio orokorra ere, ziurtatu nahi baita haien kudeaketa kasu bakoitzean aplikagarri diren xedapenekin bat datorrela.”

Azaldutakoagatik, Partaidetza eta Garapen Komunitarioko informazio batzordearen onetsiarekin, Tokiko Gobernu Batzarrari honako hau proposatzen zaio:

Lehenengoa.- Partaidetza eta Garapen Komunitarioko Batzordeak "C lerroa: Oñatiko udalerrian bertan eraldaketa sozialerako heziketa eta sentsibilizazio jardueratarako dirulaguntzak"-erako HOTZ OÑATI ERREFUXIATUEN GIZA ESKUBIDEEN ALDEKO ELKARTEA dirulaguntzaren onuradun izaera berrestea, 2025eko dirulaguntzen deialdiaren C lerroaren ebazpen partziala egitea eta 3.924,00 €-ko gastua baimentzea, goian aipatutako xehetasunekin, 1 0391.481.231.60.01 2025 diru atalaren eta bere lotespen mailaren kargura.

Bigarrena.- "C lerroa: Oñatiko udalerrian bertan eraldaketa sozialerako heziketa eta sentsibilizazio jardueratarako dirulaguntzak"-en onarpenarekin batera dirulaguntzaren %100a onartzea eta ordaintzea taulan zehaztutako ordainketa bakar aurreratua. Dirulaguntza ematerakoan ezarritako baldintzak bete direla eta diruz lagundutako ekintzak benetan egin direla agiri bidez egiaztatu behar dute, kontu zurigarria aurkeztuz 2025eko abenduaren 31a (barne) baino lehen.

Aurkeztutako justifikazioak aztertu eta egiaztatutako ditu Udalak.

Hirugarrena.- Ebazpen hau laburtua Gipuzkoako ALDIZKARI OFIZIALEAN argitaratzea. Argitalpen honek banakako jakinarazpena ordezkatzuko du; eta jakinarazpena egintzat joko da eta lege ondorioak izango ditu ebazpena argitaratu eta biharamunetik. Interesdunek Oñatiko Udalaren webgunean (<https://oñati.eus/eu>) kontsultatu ahalko dute ebazpenaren eduki osoa.

Laugarrena.- Dirulaguntza hauen onuradunak Dirulaguntzen Datu Base Nazionalean (BDNS) argitaratzea.

Bosgarrena.- Erabaki hau kontu-hartzaileari, diruzainari eta arloko teknikariari jakinaraztea."

Gaia aztertuta eta gastuari dagokionez kontu-hartzailearen oniritziarekin, Tokiko gobernu batzarrak aurreko proposamena onartzea erabaki du aho batez."

Ziurtagiri hau dagokion akta onartu baino lehen ematen da, eta ohartarazi geratzen da, 2568/1986 Errege Dekretua, azaroaren 28koa, Toki Erakundearen Antolaketa, Jarduera eta Araubide Juridikoaren Erregelamendua onartzen duen 206 artikulua arabera.

Honela jasota gera dadin eta bere ondorioak izan ditzan hau sinatzen dut sinadura digitalean ageri den datan.



Sinaduren laburpena / Resumen de firmas

Titulua / Título:

2025ZDKO0043-TGB ziurtagiria/JGL certificado (OÑATIKO UDALA)